



# Protokoll

Leidandmed	EAA.3257.1.2170
Kaader	152,153
Datum	21.01.1875
Protokoll number	70
Protokoll teema	8. Varavastased kuriteod
Märkused	

Kohtumehed			
Eesnimi	Perekonnanimi	Täisnimi	Roll
Hindrik	Torg		Peakohtumees
Peter	Kulp		Abikohtumees
Johan	Klaosson		Abikohtumees
Jaan	Koskord		Abikohtumees
Hindrik	Lipson		Abikohtumees

Kaibas Kortzmik **Jaan Sottnik** et sel 10mal Julil 1874 om temma Lawwa Schubladikust päiw ajal 5 Rubl. hõb. nimmelt uts kolme Rublaline ja kats ütterublalise Pabiri Rahhad ärrawarrastetud saanu, ilma et Lukk ärramurtud olnu, kelle perrast Wõra Wöttmega man om käidut saanu.

Wargas arwas temma se Soldat **Hindrik Sidor**, **Essepi** poeg, kea jobba mitto päiwa enne sedda Körtzin lurino nink kah toll päiwal sääl olnud, ni pea agga kui Körtzmikk ühe poole tunni pälewälja läinu haina niitma, olli taggan se Wargus sündino, Soldat agga ärrälainu, Warsti Soldati pole läinu ja tedda läbbi otsino, ei olle temma man middagi läidnu. Soldat **Hindrik Sidori** käest küssiden, koss temma omma Rahhapunga pandno, kellest temme neide päiwil Rahha wälja wöttun Wiina juwwa, om Soldat üttelno sedda **Emiljan Ribakowi** poole weenu ollewad; Körtzmikk sääl perra küssino, ei olle Majarahwas middagi teadno sest Rahhapungast üttelda, selle päle akkanu Körtzmikk sedda Rahhapunga sääl Majn otsma ja läudno tedda sääl ühe Kirsto all nink se nimmitud warrastetud Rahha sääl sissen. Selle päle kutsunud Körtzmikk Külle Kohtomehhe Assemikko, Koolmeister **Josep Zakkarjas** hinda poole, sest Kohtomeest polle koddun olnud, ni kui kah Möldre **Josep Lökk** ja kah Soldat **Hindrik Sidor**, ja kõnnelno neile miss praego ettetulno ja kuida wiisil temma omma rahha kätte saanu.

Selle päle ommawad nimmitud Mehhed se Soldat **Hindrik Sidori** käest küssino, kuidas wiisi temma sedda rahha saanu, ilma et temma Lukko katski tenno, om Soldat essite sallanu sedda tenno ollewad, ent perrast kutsno Soldat neid Mehhi

SaksaKortzi kambre sisse ja säääl awwaldano essi ärra, et temma om sedda 5 Rbl rahha küll warrastano nink WõraWöttmega mannu läinu, ketta temma se Meeksi Seppa Jaan Prakli käest saanu, ja Ketta temma temmale jobba taggasi andnu, sest kah Sepp olnud toll päiwal säääl olnud.

Selle päle kadduno se Soldat Hindrik Sidor töisel päiwal ärra ja olli seeni kui päle Wastse Ajasta Paossin, konna tedda Maakohto läbbi Ahjale taggasi sadeti ja nüüd weel sedda Asja selletada woinud.

Koolmeister Josep Zakkarjas ettekutsutud ja se Asja perrast küssitud, ütles wälja, et temma om kulno kui Soldat Hindrik Sidor nimmitud päiwal üttelno, et temma om sedda 5 Rubl, Körtzmikko Lawwa Schubladike sissest warrastano, nink WõraWöttmega mannu läino, kedda Wöttmed temma Meeksi Seppa Jaan Praakli käest saanu.

Mölder Josep Lökk selle Asja perrast küssitud, ütles wälja, et temma om kulno kui Soldat Hindrik Sidor üttelno, et temma om Kortzmikko Schubladikest 5 Rubl warrastano ja WõraWöttmega sinna mannu läino.

Daniel Kraus, Soldat Hindrik Sidori Naise poeg, ütles wälja, et se Rahha Pung, kea praego Kortzmiko Jaani käen, koss sissen warrastatud 5 Rubl läütud, om enne sedda temma WõraIssa, Hindrik Sidori omma olnud, ketta temma enne sedda mitto ja mitto körd temma käen näino ollewad.

Soldat Hindrik Sidor ettekutsutud ja se Asja perrast küssitud ütles wälja, et temmal ei olle mitte ennamb Meelen et temma sedda Rahha warrastano ja sedda Asja üllestunnistano olles.

Sai moistetud: Soldat Hindrik Sidor om sedda 5 Rbl Rahha warrastano ja saap selleperrast Suremba Kohto ette sadetud.

Se Moistminne sai kulatud nink Soldat Hindrik Sidor Maakohto kätte sadetud.

Hindrik Torg XXX Joh Klaosson XXX Jaan Koskord XXX Peter Kulp XXX Hindrik Lippson XXX